

MIZORAM POLICE PRESS STATEMENT

No. POL/PR/2017/ 136

Dated Aizawl the 27 March, 2019.

Tunlai hian mi bum hmangten sum hlawm nei tam tham deuh (High Net-Worth Individual) te bum a pawisa laksak nan a hnuaia inbum dan tarlan ang hian an che vel mek tih hriat a ni.

1. Ṭhalai kum naupang lam leh nupui-pasal neilote bum an tum zual bik ṭhin.
2. Social Media sites hrang hrang (Facebook, instagram, matrimonial websites etc) ah an bum duhte an ṭhianah an siam phawt ṭhin.
3. Inṭhianṭhatna/intih rinawmna turin thla 6 vel laite pawh inkawmna hlimawm lamin hun an hmanpui phawt ṭhin.
4. Heng social media kaltlang hian an ṭhian tharte Contact number leh details an dil ṭhin.
5. Engemaw chen hnu hun remchang nia an hriat ve leh, dinhmun ṭhalo leh laklawh taka ding mek leh pawisa nei lo (Airport Security paltlangna turin fee/tax pek ngai tur neilo ang te, dan kengkawhtu tute emaw hnena a thil tih sual vanga Excise/Custom/Fees etc pek ngai) anga insawiin ṭanpuina sum hman sak lawk an dil ṭhin.
6. Mi tam takten bum an ni dawn tih hre miah lo leh rilru ṭha pu in heng mite bank account-ah hian pawisa an thawnsak fo ṭhin.
7. Hetia pawisa thawn reng reng hi ATM Card hmangin rang takin an la chhuak nghal a, harsatna dang sawi belh zelin a tam thei ang ber laksak tumin dawt an sawi belh ṭhin. Mi tam takin vawi 3-4 thlenga a nuai tela thawn pawh an awm fo a ni. Rinhlelhna a awm tih an hriat ve leh biak pawh theih lovin an awm zui a, Mobile phone, Whatsapp leh Social Media Site-a an relation pawh an titawp zui nghal ṭhin.

Heng inbumna lakah hian mipuite kan him theihna turin i fimkhur theuh ang u.

ISSUED BY PUBLIC RELATION OFFICER, MIZORAM POLICE
